

Alay Lakad (Kahit Pano)

Smugglaz

Lahat ng mga 'to ay alay ko sa mga nagbigay
Ng pagkakataon upang kahit pano'y mabuo
Ang aking panaginip sa tagal kong nag hintay
Lumipad patingala, naglakad ng payuko
Tagumpay na wala sa narating, nasa pinagmulan
Dahil sa mga tulad nyong laging nasaking likuran
Kasama ko noon at nakasama ko ngayon
Na nagtanim hanggang magbunga, pag hinog ng panahon

Lahat ng mga 'to ay aking inaalay sa lahat
Ng mga taong tumulong sa akin upang mabuo
Bawat detalye sa kasaysayan ng aking alamat
Naging pataba nung ako'y binhi pa lang na patubo
Hindi man naging madali, pilit kong sinubukan
Kahit napakaraming mali hindi ko sinukuan
Maging maayos sa labas ng aming tahanan na wasak
Bilang pangkaraniwang kuya at panganay na anak
Ito'y para sa kanila kay Mama, kay Papa at mga kapatid
Kong naron at naririto
Lagas man o sagana, patuloy na umasa
Hiwa-hiwalay man tayo'y binuo ko ang sarili ko
At saking lola na nag-tyaga upang mapaayos
Ang aking kinabukasan
Kahit 'di man nakatapos ng aking pag-aaral ay natuto din ako
Yung apo mong pinalaki ng maipagmalaki mo
Pati ng mga 'di naging madamot saking kaibigan
Nung wala ako't nandyan sila upang malapitan
Mga taga suporta na nag-aabang ng bago
Na saludo lang palagi sa mga nagagawa ko
Mga taong nagtiwala at 'di hinusgahan
Ang pwede ko pang marating sa dami ng pinuntahan
Sapagkat kilala nyo talaga kung sino ako
'Di ko man maisa-isa alam nyo kung sino kayo
Salamat!

Kulang pa lahat ng 'to, para mabatid ang pasasalamat ko
Ngunit ganun pa man sana'y inyong tanggapin
Kahit pano! Kahit pano!

Lahat ng mga 'to ay aking inaalay sa mga
Mga taong nun pa ma'y tumanggap sakín ng buo
Yung mga araw na wala pang kasikatan na dala
Nagdilig ng pagkalinga nung panahon ng tag-tuyo
Lalo na sa aking asawa na kasama kong nangarap
Anumang makasalubong hinarap naming magkayakap
Sumuporta ng higit sa paghanga sapagkat
Subok na tayo kahit "Ikaw Ako" laban sa lahat
At saking anak na lalong nagpalinaw ng daan
Sa buhay at tungkuling mas dapat kong gampanan
Na nagbibigay rason kung bat ako humihinga
Dahil sayo lahat sakín ay hindi pwe-pwedeng huli na
Alay ko sa inyo 'nak ang lahat ng mga 'to
Pagdamutan nyo na kung anumang aking mabigay
Anuman ang mangyari sa paglalakbay na 'to
Sabihin mo sa Mommy mo mahal kayo ni Daddy Bry
Lalong lalo sa taas, bilang pasasalamat sa talino at lakas
Upang maging karapat-dapat

Kung wala ka Diyos Ama, ang lahat ng mga
Pasanin ko't dala, 'di ko kinaya mag-isa
Makasalanan man ako'y pinagpala mo pa rin
Ang aking mga musika maging biyaya sa iba
Maging inspirasyon, ayon sa kaloobang na sayo
Bilang isa sa mga espesyal na Obra-Maestra mo, sa Lupa!

Kulang pa lahat ng 'to, para ihinto ko ang mga lakad ko
Anuman dumating handa ko ng harapin
Kahit pano! Kahit pano!

Lahat ng mga 'to ay alay ko sa akin pabalik
Kahit anuman mabigay ko ay handa kong tanggapin
Dahil sa tagal kong nainip at nanabik
Parang gusto kong apiran sarili ko sa salamin
Habang sinasabi kong para sakin karangalan
Maging isang Smugglaz ang dati na si Bryan
Panindigan mo na, naiintindihan kita
Sindihaan mo na, baka masindihaan pa ng iba
Panindigan mo na, naiintindihan kita
Sindihaan mo na, baka masindihaan pa ng iba
Panindigan mo na, naiintindihan kita
Sindihaan mo na, baka masindihaan pa ng iba

Kahit pano! Diba
Kahit pano! Diba
Kahit pano! Diba
Kahit pano!

Kulang pa lahat ng 'to, para mabatid ang pasasalamat ko
Ngunit ganun pa man sana'y inyong tanggapin
Kahit pano! Kahit pano!
Lang pa lahat ng 'to, para ihinto ko ang mga lakad ko
Anuman dumating handa ko ng harapin
Kahit pano! Kahit pano!